



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

11 Bonorum tria genera habent clerici.

urn:nbn:de:hbz:466:1-10316

dem Othone confirmata, ut in d. §. *præterea, per quas omnes.*

1^o Tertiò comprehenduntur bona donata per ipsum Othonem, de quibus in eod. §. *præterea*, & donationes dictorum, & aliorum bonorum fuerunt confirmatæ per Principes Imperii, anno 1179. ut supra in cap. 1. n. 19. & seqq. Et postremò ab Henrico Imperatore, ut in d. *Clem. unic. §. porrò præter, de iurejur.* Ab illo itaque tempore, quo Constantinus Ecclesiam dotavit, deinceps viri religiosi non solum possessiones, & prædia, quæ possidebant, sed etiam semetipsos Domino consecrarunt, ædificantes basilicas in suis fundis in honorem sanctorum Martyrum, percivitates, ac monasteria innumera, in quibus coetus Domino servientium conveniret, ut in d. *cap. futuram*, 12, q. 1.

Videntes autem summi Sacerdotes, & alii, atque Levitæ, & reliqui fideles plus utilitatis posse conferre, si hæreditates, & agros, quos vendebant, ecclesiis, quibus præsidebant Episcopi, traderent, eò quòd ex sumptibus eorum tam præsentibus, quàm futuris temporibus, plura, & elegantiora ministrare possent fidelibus communem vitam ducentibus, quàm ex pretio ipsorum, prædia, & agros, quos vendere solebant, matricibus Ecclesiis tradere, & ex earum redditibus vivere cœperunt. Ipsæ verò res in ditione singularum Parochiarum, Episcoporum, qui locum tenent Apostolorum, erant, suntque ad præsens, ac futuris semper debent esse temporibus, ex quibus Episcopi, uti fideles dispensatores eorum, omnibus in communi vita degere volentibus, ministrare cuncta necessaria

debent, prout melius possunt, ut nemo in eis egens inveniat. Ipsæ enim res fidelium oblationes appellantur, quæ à fidelibus Domino offeruntur. His ergo memoratis augmentationibus, in tantum ecclesiæ, quibus Episcopi præsent, domino adminiculante, creverunt, tantisque maxima pars earum rebus abundat, ut nullus in eis communem vitam gerens sit indigens, sed omnia necessaria ab Episcopo, suisque ministris percipiat, ut *cap. videntes*, ead. 12, q. 1.

1^o Clerici verò sæculares, & hodie tria genera bonorum possunt habere.

Primò patrimonialia, quæ per successionem, donationem, legata, aut alios contractus acquiruntur, *cap. Episcopi*, & *cap. sint manifesta*, junctis gloss. ead. *quest. 1, cap. 1*, & *cap. fixum*, ead. 12, *quest. 5*, & *cap. quia nos*, *ext. de testam.*

Secundò habere possunt bona, quasi patrimonialia, quæ quaruntur ratione ordinis clericalis, vel officii alia ratione quàm juris percipiendi fructus beneficiorum, ut quæ percipiuntur in electio synis pro Missis celebrandis, confessionibus audiendis, & concione habenda, vel pro mercede officii capellani, vicecurati, aut vicarii temporalis, vel alios spirituales actus exercende. Innoc. in d. *cap. quia nos*, & ibi Host. Abb. in *cap. cum officijs*, num. 6, *de testam.* Franc. in *rubr. eod. tit. in 6 col. 30.*

Tertiò bona ecclesiastica, ut sunt redditus beneficiorum ecclesiasticorum, qui quotannis percipiuntur, & quotidiana distributiones, quæ occasione canonicatum, aut aliorum beneficiorum singulis diebus superlucantur, ut *cap. præ-*
dis,

dia. cap. in legibus, 12, quest. 2, cap. attendendum est, 17, quest. 4. Concil. Trid. cap. 11, 14, de reform. sess. 22, cap. 3, sess. 21, cap. 15, sess. 24, de reformatione. & Navarr. de redd: eccles. quest. 1, monit. 19.

12 Bonis ecclesiasticis convenit clericos sustentari, ut in cap. quoniam, 12, quest. 1, ibi, clericos autem: quia cum de redditibus ecclesiasticis principaliter debeant Prælati, & aliæ ecclesiasticæ personæ sustentari, quæ serviunt altari, & de altari vivere debent, cap. cum secundum, extra de præben. cap. cum secundum, extra de præben. cap. ex hys, & cap. penult. 12, quest. 1. ideo, quæ supersunt in pauperes, aut alios pios usus sunt distribuenda. cap. aurum habet Ecclesia, & cap. gloria Episcopi, 12, q. 2.

13 Ab initio autem nascentis Ecclesiæ bonorum ecclesiasticorum natura ab Apostolis coepit exordium, quibus illi primi fideles, bonis venditis, pretium dederunt Apostolis, tanquam Christi vicariis, ut ex iis fideles alerentur egeni, Actor. Apost. cap. 2, cap. 5, & 6, & 1. Ad Corinth. 1, cap. 9. & Baro. annal. eccles. 57. num. 72, & 73, par. 1. & etiam sub gentilibus Imperatoribus, Ecclesiæ Christianorum prædia possidebant, quod testatur Pius primus epistola secunda, & Urbanus ad omnes Episcopos, sed, quia in persecutione Diocletiani, & Maximiani Ecclesia pluribus fuerat bonis spoliata, Constantinus & Licinius edicto publico, quæ ad jus totius universitatis Christianorum spectabant, restitui mandarunt, ut ea, quæ antea Ecclesiæ possederant, ad ipsarum jus denuo reverterentur. Baro. ubi supra, num. 82. quo facta, & redditâ pace, regnantibus Principibus Christia-

nis, Ecclesiæ fuerunt locupletata. Baronius, ibid. num. 83. Unde Gelasius Papa clero ordini, & plebi Brundusii ita decernendo notificavit, redditusque, & oblationes fidelium in quatuor partes dividi mandavit, quarum unam Episcopus sibi ipsi debet retinere, alteram clericis pro officiorum suorum sedulitate distribuere, fabricis tertiam, quartam pauperibus, & peregrinis fideliter debet erogari, quarum rationes divino est redditurus examini, & illinc beneficiorum divisio coepit exordium, ut cap. concessio, cap. quatuor, cap. de redditibus, 12, quest. 2. & Abb. in quest. 4, num. 14, vers. quarto adduco, & num. 15.

Nam rerum communio frequentissime discordias causare solet, l. cum pater, §. dulcissimi, ff. de leg. 2. propterea ad amputandas lites, discordias, & rixas, quæ inter Episcopos, capitula, fabricarios, & eleemosynarios occurrere solebant, ita fuit facta divisio. Navarr. in tract. de reddit. eccles. mon. 50, quest. 1, num. 2. vers. secunda quod. Nihilominus bona ecclesiastica non sunt nostra, sed pauperum, quorum procuracionem gerimus, cap. penult. 12, quest. 1, cap. quod autem, 23, quest. 7, & cap. convenior, ead. 23, quest. 8. quia Ecclesiastici non sunt domini directi, nec utiles bonorum ecclesiasticorum, cum dicta bona sint parimonium Jesu Christi, c. cum ex eo, & ibi glo. in verb. Christi, de elect. in 6. cap. final. 16, quest. 1, cap. 2, de præben. Abb. in cap. cum esses, nu. 29 de test. Dec. in cap. constitutus, num. 5. & ibi Felin. num. 19, de rescript. & Navarr. dict. quest. 1, monit. 1621. num. 2.

Papa verò est dominus omnium beneficiorum.